

徐大宗師批示

據紳士石秉鈞姚滙源等呈上更改愛蓮義學章程一通本院詳加披閱大致均妥現在經營伊始各種用項全在挹注有資仰該紳等速將章程內就地籌款一條商定的數俟有端緒即行稟請甄別學生入堂肄業此乃造就闔邑人才之起點亟宜振刷精神融化私見乃可有成如其推諉游移或有不知大局之人暗生阻力是則昧於公理貽笑鄰封諒該紳等必不忍出此也切切特示

南學會問答(湘鄉唐支廈問)問中外通商數十餘年其積弱之弊在於自錮欲圖自強莫先於開民智欲開民智莫急於興學會廣學堂即近所立時務武備南學會是也然此不過使明其理與勢漸開廣風氣而已欲取人才之效遠則數十年近亦十餘年已屬緩不濟急方今海氛日甚各國瓜分之議紛紛登諸報章設一且有警藩籬既已盡撤即腹地亦難自保欲求其實有把握不至如昔日之割地請和其即遣今日所教之子弟以禦之耶抑更有善策以應之歟蒙一介寒微昧於時勢願請台明以告之幸甚○答曰欲圖自強莫先於開智欲開民智莫急於興學此數言已得要旨富國強兵皆需人才人才之興亦不必十年數十年只要風氣大開自然人才蔚起若猶疑為緩不濟急王道無近功豈能一蹴而至古來事變千條萬端况今滄海橫流創千古未有之奇局將來不知開到如何局面為今之計惟有立學堂修武備課吏治與保衛講商務製造先開民智為自強地步雖未見實有把握亦只能如此做法至於一旦有事看事勢如何再當臨機應變諸葛武侯曰成敗利鈍非所逆視何能豫挾一成一之見自詡為萬全之策乎○善化張季傳問○昨閱時務報中有釋彘一篇謂華夷無定界此固通人言也然予謂報館諸君仍未化其華夷之見觀夷字作彘可知夫華夷無定界 世宗憲皇帝著有論說較報中所刊甚詳並 諭內閣本朝人刊刻書籍以夷為彘為虜為禽者嗣後應照大不敬治罪今夷仍作彘豈 世宗憲皇帝而後又有翻案歟敬質請台幸以教我○答曰極佩極佩時務報館遠在滬上當以尊意函告之○沅陵呂先煇問○唐設方鎮多內亂宋罷方鎮多外患唐之內亂平於方鎮宋之外患終於危亡方今時勢艱難宜重授各省督撫權宜如方鎮故事庶幾可挽今日時艱湘中諸公舉行新政借箸相籌皆具買長沙之心腸惻不敏負笈來游得聞餘緒謹將管見以呈望講臺明教焉 地形如球周圍三百六十五度三分之水居其二陸居其一泰西人分水為五洋曰太平洋大西洋印度洋南冰洋北冰洋土為六洲曰亞細亞洲歐羅巴洲亞非理駕南亞美理駕北亞美理駕阿塞亞尼亞云地盡即水天水相連地吸於空中焯思水之於地

如血之於人身冰海外必有一般世界恨人跡未到耳○答曰授各省督撫權宜如方鎮故事此誠救時善策近康南海五上書已言之奈政府不為上達何地為圓球懸於虛空四無倚傍冰洋即其南北二極之海耳冰海外之世界即天上無量星球

法律學會章程

善化施文燾等公訂

- 一 本會專集同人講讀律令
- 二 讀書讀律事本貫通彙彙君民基礎於此本會有讀書功課
- 三 會友擇讀古經古子歷代史 國朝掌故東西史志內外公法各書
- 四 經濟正科有外交一門凡攷求各國政事條約公法律例章程諸學者隸之同人有志科名歲舉之年即以此門赴試且備特科之選
- 五 匪鑿前車罔知依據匪微近事罔識變通蓋規規設後學之師新例既頒舊律斯廢本會有手鈔近年公牘功課
- 六 美錦學製前席陳籌本會有辦公功課
- 七 報館林立指事類情本會有閱報功課
- 八 敬業樂羣不分門戶本會有講習功課
- 九 會友每日除辦公外讀書必上萬言讀律必上十條鈔公牘必上五千字講習不得過兩點鐘違者各自記過
- 十 本日若無辦公功課即多讀律
- 十一 本日若公事煩雜則免各項功課
- 十二 本會立有功課冊由會友隨時價取自制者亦聽其便每日讀律讀書起訖鈔辦何件閱報若干講習時刻一一實註冊內以便互相糾察
- 十三 每日須有割記二條登載冊內息游日及講習時互相閱看評論是非如不置可否及不作割記者亦聽其便
- 十四 非講習時遇有緊要及疑難事件可彼此討論事畢即散不得言他仍將討論之事詳記冊內

十五本會立人物證書會友姓名年歲籍貫
 十六本會向平等之義不立會長其人物請功課册公舉一人管理
 十七本會以房產昂昂星日為息游日
 十八交游徵逐昔人所護不遠客來亦宜婉謝即有干己切務可彼此函商仍將函商之處詳記册內或息游日
 出外經紀

十九遇有要事必須親自出外料理者一月不得過六十餘鐘違者各自記過若須延時日者將事由告知各
 會友公議假期逾期各自記過

二十息游日遇有公事仍照常辦理

廿一本會感以太之理嚴內訟之權必不以欺人者自欺故過由自記

廿二本會各友志在講求法律貫穿公理濶覽羣書洞識時勢以開拓胸襟廣學熱力善不恥相師過不惜相糾
 開誠布公力除客氣

廿三願登會者自將姓名年歲籍貫送本會以便登諸由本會送章程一本

功課册標目○辦公 讀書 手鈔 討論 閱報 記過 講習 函商 出外 劉記

俄人論日本武備條約開○海參威七日報云某君論日本新政云一千八百九十四五年間中日戰後立
 約過偏故歐洲各國出而阻止日本攝於兵力始肯俯從此事於日本未嘗無益從此君民合力整頓武備業將
 水陸擬辦章程發交議院謂水師宜大加添置必使冠於太平洋而後已陸軍宜堅守海口使敵人不得登陸為
 度兵艦軍火宜從新制雖巨款難支亦必從長計議不使稍遜於強鄰稍缺乎利器政府已發心機妥善其策
 猶恐議院為難首先引出比較多端以期事必有成所引者皆關於大局最新最要之政實為日本當務之急其
 上者如保護屬地生計移民墾荒擴充製造土貨整頓商務利益諸大端庶與歐洲在東方有心之國相埒蓋該
 國近來在東方年年長進頗有蒸蒸日上之勢每與日本爭衡故也次者如保護日本之貿易於中國高麗臺灣
 澎湖各埠者必使日漸長進不失利權再次者如日本人流寓美國檀香山及新金山各埠之受辱於英美各國
 者必使轉辱為榮轉損為益勿再受外人欺侮以上各端亦不外添增兵力為本議院咸悉其中要害業已議准
 敷款一添增水師二擴充陸軍三增修砲臺需款甚大准其動用中國債款大半云云按日本如此舉動所患者

惟俄國耳蓋俄國逼近日本日本仇視俄國俄國能不力加整頓東方要政添備陸軍整飭水師以迎日本乎日
 本彈丸小國竟敢與俄爭雄我為日本憂焉竊日本所增兵備悉賴中國借款開支並無別項的款又無洋債可
 借焉斷難久持焉能害及俄國也 論日本防務水陸均略有可觀然防陸不如防海蓋日本地居三島四面環
 海雖節節設防頗難周密非輔以鐵路不可彼政府有鑒於此早已密加布置如通國全體具備之陸軍西人統兵
 無不相應不若他國之分編編界一有軍務彼此掣肘多未便者也 水師全軍水師防守邊防砲臺運兵鐵路無一不備
 茲將日本一千八百九十六年正月十二年春月 所有之兵額等項及擬增之水陸各防錄左 擬增之水師限十年竣工
 為限軍自必從速 陸軍悉仿德國制分四類 一曰正兵常川駐營日習武備有事即發者也 二曰副兵平時不
 備足額戰時調為後勁或立新軍或為守禦者也 三曰備兵係當正兵後遣散歸籍俟有軍務時補額之用平時
 各安生業奉調即應不得推諉者也 按其軍械衣裝全備惟衣式稍異有事給發年齒不一所備之衣稍寬大所用軍械隨時更易
 訓練有戎裝則敵人不得妄殺故 四曰守兵義主護國遇有大患國勢將危經兵部告急於律部請旨調遣第一班出隊
 捍禦勢若再迫由君主下哀痛之詔第二班自行投任不待調遣者也故名之曰義兵 日本餞兵之法亦仿德
 制每年挑選及丁之民入籍當兵常川駐營三年為正兵三年之後遣散各歸本業歸入副兵之册四年調操若
 平日四年之後歸備兵之册五年其中亦須調操數次五年之後則歸入守兵或義兵之册至四五十歲為止間
 亦調操數次然則日本民籍四十五歲以外始出兵籍得以自由或有自願充兵者不過終身為弁而已總不能
 由弁升官蓋戰官與兵弁之學判為兩途也 日本通國陸兵原分為七軍或曰七省實則祇西國七翼耳自一
 千八百九十五年軍典加額以後改為十二軍軍務以前每軍統轄七翼第一翼駐紮東京為內禁侍衛軍其餘
 六翼駐紮外省為全體軍每翼計步兵四協每協三營惟禁衛軍一翼有兩營馬兵一協工兵一營砲隊三十六尊茲將所駐各
 軍錄左 禁衛軍一翼及全體軍第一翼駐紮東京第二翼駐紮仙台第三翼駐紮名古屋第四翼駐紮大阪第
 五翼駐紮廣島第六翼駐紮熊本其餘新添之六翼暫時分駐以上各埠間將分駐小倉九州札幌松前宏前金
 澤福山九龜四國各埠云茲將常川駐營之兵額錄左 計禁衛軍一翼額兵八千人全體軍第一翼額兵九千
 二百人全體軍第二第三第四第五各翼額兵八千三百人第六翼額兵九千人 連對馬島所 此外尚有駐紮外藩
 屬島各埠之兵四千人巡捕隊一千一百人 係指武巡捕其巡捕巡捕 以上所按兵額內分步馬砲工程各額計步
 兵五萬人馬兵二萬六千人砲兵六千二百人工程兵二千六百人運糧兵二千四百人巡捕兵一千一百人不

入隊之長夫五百人共計正兵六萬六千人副兵九萬人備兵十九萬人統共三十四萬六千人 茲將軍務時
 加足之額錄左 計正兵十二萬人副兵十七萬人備兵二十萬人統共四十九萬人 軍務要圖 俄國現備之
 也以上所錄之數皆計日本全體陸軍所備之步馬各鎗皆係新式八響快鎗名穆拉他者其鎗子較之俄國現備之
 日可以成軍之兵也
 五響小口徑快鎗子彈略大命中較遠所有鎗砲均由本國製造不必借重於歐洲各國如東京大阪神戶製造
 局均有可觀各該處糧台軍餉水電各局亦甚足備一有軍務立刻出運所有兵部分出各局所行營不特咸通
 鐵路且備有起陸各機器靈捷妥當不可言喻工部鐵路股亦與兵部相輔每一令下一周時可出火車三十六
 輛先儘兵部調遣其餘如馬匹車輛亦皆足備所有民間馬匹或歸兵籍有事即調不至有所致延也
 譯者私議曰俄與日本立國以來無世仇也特以國勢均日進不已遂至相逼而相逼耳今觀俄人所論若有
 不滿於日本者然昔人有云相怒則多溢惡之言此是人情不足為怪而吾人於此轉可借俄人之論為日本
 自強之確證也聞於天下必有與立嗟吾黃種奈何獨讓日本以維持東亞之言哉
 論英宜保護東方商務錄大報○印度泰晤士報云西人來華傳教其意見何似操術何若且置勿論至教
 士人品心術雖實諸高明可決其無貶詞適者山東竟殺教士德人藉端挾所責賠命償款中國已概如所
 願聞之者想當同聲稱快也即刃斃教士某有此一番報雪亦可無遺憾矣中國與各國訂立約章會許以保護
 境內教士乃背理干紀之事層見疊出及外人憤怒橫逆驟加始不得已置其亂民於法總署視為等閒事屢次
 瀆告而了不經心與其空費唇舌不若援欵差緝例徑責成中國國家保護歐洲在華人民較為便捷無論其該
 為不能或竟不願也然究非竭誠款接且彼素昧於傳教之義將來欲教化盛行教士坦然無礙恐仍須借重本
 國水師兵力始克有濟中國官員伴作不問問至此欲免於諸大強國之威壓而不獲惟有歎無可如何而已德
 人此番舉動殆寓有深意絕非專為袒護教士起見蓋中國不獨於教士一節見虐待外人之甚即平日與各國
 交際之道亦多所乖謬也閱華英各報章然後知中國深閉固拒直欲屏一切通商條約於不顧以自處於例
 之外如西江開埠一節可為明鑑西人慘淡經營始也屬望甚奢會謂該處大可推廣商務繼因內地官紳不願
 與外人互市多方阻撓致各事均形掣手幾於無利可圖推而至於通商各埠口其本地官紳其陰謀詭計以
 與各西商為難種種違背約章該省長官從不一加督責及我執政與領事交相問難輒用好言搪塞含糊答應
 卒未實力奉行一洗此種惡俗我英東方商務遠駕西洋諸國上有阻以擴充利源者當起與力爭而我英與中

國交涉仍循泰西舊制推誠相與不知中國官場固不足取信於人重違同盟之勸者也若以船廠相恫嚇又非
 我英素日宅心正大之義且此等辦法亦殊覺無味和衷商酌其將有濟乎以情勢論設我英不安為籌畫以求
 約章分內應得之利冀中國敬以相授此真子虛烏有之事近來德報紛紛議論德國水師已登岸踞守膠澳並
 勒其即行久據其陰謀詭算與我英大有關係此萬不能忽然置之也
 扣船述聞錄新聞報○有拿威國輪船名普魯魯斯者前由上海俄國道勝銀行租裝煤斤報關出口報明開
 往長崎及出口後折閱密信係令開往旅順及到旅順將煤卸裝俄國兵船時適遇風浪致船身稍有損壞該船
 遂欲就近駛赴牛莊修理宋祝三宮保聞知後又將該船租裝軍火帶往牛莊言明每日租洋三百五十元不料
 進口後為牛莊關稅司查知即將該船扣留擬欲充公嗣經拿威國家得信函致總署請釋聞現已調停妥當矣
 尙與土木錄香港華字日報○海甸頤和園團明園隨王公大臣及各部院住班堂司各官他坦不敷坐落暨
 八旗綠營弁兵尙缺堆撥房間現經內務府勘估建蓋宮門他坦房三百數十間又頤和園團明園兩處圍牆外
 添蓋堆撥房四百數十間共需工料銀若干聞此項由土藥稅項下提款動用至所派何員暨某廠承修探明再
 佈
 中國關稅錄報○英會計報云中國去年各海關稅項共計進款二千一百四十五萬六千二百三十四
 兩三錢九分九釐較之前年減收至二十一萬四千四百十兩餘再中國各省各種貨物厘金每年共徵一千二
 百九十五萬二千兩土產鴉片共徵二百二十二萬九千兩合計一千五百十八萬一千兩
 日士曼國錄大報○鎮西報云日本國會議員及他有志者擬訪伊藤首相論東方時局之事頃聞大石正
 已神鞭相當田中正造河野廣中工藤行幹諸氏東歷四月七日訪伊藤首相於官署述其意見曰吾人今日所
 論者出於憂國之至情不能自禁並非爭黨派以攻政府也又曰政府現欲何以扶東方之事耶東方之危日急
 一日我帝國獨安然坐視之吾人將翁合天下之志士以定國家之大計矣今日非爭黨派之時直須舉國民
 協同以定大計政府若贊成之請去平日之成見而容納吾輩之言與天下共休戚則吾人將感其德義以執犬
 馬之勞協助政府而盡微忱矣意氣激昂聲淚俱下伊藤首相沈默靜坐少焉答之曰東方之局面如斯其危機
 問不容髮矣我帝國豈獨可高枕乎哉本大臣亦已經知之雖然政府之方畧外交之秘密現在不能明告諸君
 也五氏即異口同詞曰吾人不強問其秘密也只欲聽首相之意見而已伊相曰日本大臣已有天下之重任不敢

輕言一己之意見也遂出某國所致日本政府電文示之主客復問答數次首相曰諸君子之言已領之矣政府亦須慎重熟考也五氏即與辭而去

東米條款錄彙報○日本朝日新聞報云東京米局曾將外國米穀比較酌定條款於下 第一條凡外國穀米轉運由田莊者專歸高麗安南暹羅緬甸諸國 第二條凡自安南暹羅緬甸運來之米其核價當較局中所定米價減一元半至三元半不等 第三條凡洋米一石做為三百八十蒙迷其量法當與秤煤所用相同 第四條凡在外國辦理米務其取存交出均當照現定章程一律 第五條凡收存或交出外國米均應照原樣若查得米質較高於原樣則交出時酌量加價 第六條頒行此項條款三個月估定一次而頭次會議當於明治三十一年舉行

俄土債項錄彙報○彼得堡報云土耳其此次由希臘所得債款本擬以之擴充海軍俄國云土耳其若以該賠款擴充海軍須將所欠俄國賠款一律清還是以土國將擴充海軍之事作為罷論查土耳其尙欠俄賠款一百三十萬磅

英國時局錄彙報○鎮西報云英國現已得自緬甸起抵雲南鐵路之權又云英國政府現議定威海衛防備費二百萬磅又云英國現擬整頓香港防備以備法國

印人慨言補錄○大阪每日報云英屬印度國近來教化稍開人心思憤有論政治之不善者有議脫英人之壓制者不平之鳴相繼而發而英國太守現在其苦彈壓之無術頃某高等小學堂教習某於某祭日召集其學生及父兄等演說曰顧往古印度國文化夙開武備整飭會雄視天下矣滿堂之士君子試即印度國人徵之於古未嘗遽落人後者也夫世人固弱視印度人而強視歐洲人矣雖然一千六百五十七年之戰塵殺歐洲人者非印度人即何至今日衰弱若是回想前此之人不能不恨其相安固陋不思振作以至今日滿堂之士君子請俟時機之至可也云云慷慨淋漓怒髮衝冠一坐為之昂然太守聞知此事直飭辦其職云

- 陳 綬字組甫長沙人 朱 楷字薪翁善化人 唐贊熙字潤之善化人 唐贊襄字悅之善化人
- 黎尚雯字桂蒸瀏陽人 朱芳型字貞白慈利人 劉祖韻字伯琴瀏陽人 唐濟樞字成之善化人
- 鍾期藩字觀雲長沙人 黎宗慈字紹毅瀏陽人 唐才中字次丞瀏陽人 歐陽自耘字笠耕瀏陽人

三味書局

新設長沙省城走馬樓樓於四月內開張本局不吝資本廣刊善本各種書籍並請名人妙對精寔以萬士林華辦各省官局家藏善本書籍及時務各書發兌 計開新刊各書 讀禮通考 五禮通考 乾隆府廳州縣圖志 讀史方輿紀要股票出售每部價洋五元

股票寄售

白強齋時務叢書十六種歷象攷成前續篇股票寄南陽街與文里新學書局出售並新出各種算學時務書甚夥而價極廉

造自來火秘法

乃英人傅蘭雅所著洵西學中必讀書也寄紅牌樓青蓮室紙局發售每本收本資制錢廿八文惟友人由滬帶得無多欲購者以早臨為幸

失票聲明

啓者三月初四日漢口天成豐庄立票向長沙本號三月底兌交鼎記長平足紋壹千兩票係是月十三日岳州恒昌錢號交森昌信行遞送長沙遠順照收於二十日在平江縣地方被盜搶去當在該縣報案茲復在善化縣存案並請有論單交天成豐嗣後無論中外各色人等拾得此票均作為廢紙特此聲明以便週知此佈

岳州王恒昌 長沙天成豐全啓

譯書公會報

本報專譯東西各國報章雜史傳記每月出報四冊全年四十六冊由滬寄湘發售每月取費六角全年售洋五元外加寄費二角凡願閱者請至湘報館掛號隨繳報費以便按期寄送

濟世良醫

湘鄉吳君號息機道人
寓湘鄉昭忠祠轉白

新學書局

移至府正街

湖潭寺記

閏三月二十三日日用各物時價表

物名	每實	價值	比較	物名	每實	價值	比較
銀	兩	一千三百三十文		銀圓	圓	七錢五分	湘平
錢票	千文	七錢四分一厘		典銀	每串十足	九百十五文	
上白米	石	三千六百文		大白米	石	七錢九分七厘	
中米	石	三千四百文		河東谷	石	一千五百一十文	
河西谷	石	二千四百文		淮鹽	百斤	一百二十四斤	
洋麵	包	一千七百三十五文		菜油	百斤	四十二百文	
茶油	百斤	二兩九錢五分		桐油	百斤	五十六文	
牛油	百斤	七兩一錢		栗木炭	百斤	六兩	
歡喜炭	百斤	一兩七錢八分		上棉花	百斤	九百五十文	
中棉花	百斤	一百二十文		下棉花	百斤	十六兩八錢	
頭印折表	石	六百五十文		二印折表	百斤	十五兩六錢	
三印折表	石	十六兩四錢		吳庄紙	百斤	三兩五錢	
塊煤	石	三兩九錢		烟煤	石	三兩八錢	
柴煤	石	三兩三錢				三百一十文	
		三百六十文					
		二百四十文					

湘水校經堂宜改師範學校議

武陵何來保撰

吾湘自丁酉前實學會南學會時務學堂武備學堂未設嶽麓城南求忠三書院官師課未改來保竊憂至今已設已改半歲間相接踵數十若岳州衡州郴州武岡常德澧陽黔陽新化等處其他議而未著者稱是著而俟成者稱是雖區區一省豈謂以新中土疆嶠之治甯足以語泰西其闢風氣如流水變舊法若摧枯蓋不可謂機之滯力之縮也越斯以往學堂林立學會雲興通衍三湘指顧間事來保偷竊憂何也曰當務之亟豈不曰造人材乎哉然女學未興胎教湮沒厥種不長由來已久鄉曲學究枯槁閉塞遺餘力流毒靡底其生而靈慧逃而幸免者百不一二故欲造人材復元氣補過去胎教之缺正現在學究之陋則惟有立師範學校先造通省之師而已教人之法學記一篇至為詳盡晚近凌夷奄然垂絕自前明詩賦制藝取士而為師者益漸減棄置無復子遺驅天下學子齊入彀中專其業則習佔踞幕點畫而已它不必事也一其志則拾青紫攫黃白而已它毋敢望也雖鄙鄙賤習不知非衣鉢相傳至於今日驟語以師範彼方日抱兔園冊子口講指畫傲然自得以為枕中鴻寶豈知世界尚有所謂五大洲哉沈痼痼疾略無醫治故時文不廢則已廢則此輩術無所售其狡者必為巫醫卜祝糊口四方其愚者必將吝嗟怨對構餽下至求一役以謀生如法待越南之已事且不可得後生小子益無所稟承必至無學無教夷為禽獸可不謂大哀乎日本明治五年之興學也小學校與師範學校並立小學校教習即師範學校之生徒既三年始者設大學校小學校生徒升為中學校大學校之生徒小學校教習升為中學校大學校之教習立法若此宜乎其教習項相望趾相屬矣迺近時統計家算之除七萬六千零九十三人外猶應需二萬餘人然則三湘之地不亞三島變法伊始所需又烏可計耶夫邇時負教習者匪不多矣類皆三家村見解一旦朝廷變法學校改觀其無用無聊賴無能安於位固勢之所必至也泰西教習端由師範出身政府給予高等中等及尋常執照方克充選故教誨之法纖細靡遺層層不棄一切政治工藝互有極則以視吾邇時負教習者何如而況乎并此等且不得有也今使如造材者之大願自省會至各府州縣遍興學校復古制探西法彬彬雅雅文敷大行則中文教習總者須百計分者須千計西文教習亦然吾省勝此任者甚少勢必搜括各省之俊傑網羅諸國之魁儒始可又必各省不獨吾省獨變始可吾知其不能也此教習之無人守舊者之所藉口與學者之所以罔效矣故立師範學校誠刻不可緩之事也毋遽語高等中等也暫依日本之尋常十七事斟酌損益生徒由學政調取各屬高材異等俟三年後立為高等學校則聚而甄別量予文憑分送各縣